

სამახსოვრო ამომრჩეველთა ნაკადის მომხსარიგებელი კომისიის წევრისთვის

განკუთვნილია იმ საარჩევნო უბნისთვის, სადაც კენჭისყრა
ელექტრონული საშუალებების გამოყენების გარეშე ტარდება
საქართველოს პარლამენტისა და აჭარის ავტონომიური რესპუბლიკის
უმაღლესი საბჭოს 2024 წლის 26 ოქტომბრის არჩევნები



წინამდებარე რესურსი მომზადებულია
სსიპ საარჩევნო სისტემების
განვითარების, რეფორმებისა და
სწავლების ცენტრის მიერ.

სამახსოვრო ინსტრუქცია წარმოადგენს
დამხმარე რესურსს კომისიის
წევრის მიერ ფუნქციის შესაბამისად
ამომრჩევლისთვის კვალიფიციური
სერვისის განსახორციელებლად.



- არეგულირეთ კენჭისყრის შენობაში შემომსვლელ ამომრჩეველთა ნაკადი.
- კენჭისყრის შენობაში დაშვების მიზნით, სთხოვეთ ამომრჩეველს, წარმოადგინოს პირადობის დამადასტურებელი დოკუმენტი. ამომრჩეველი კენჭისყრაში მონაწილეობს თუ წარადგენს პირადობის დამადასტურებელ ერთ-ერთ დოკუმენტს:
 - ✓ საქართველოს მოქალაქის პირადობის ელექტრონულ მოწმობას;
 - ✓ საქართველოს მოქალაქის პირადობის არაელექტრონულ მოწმობას (რომელსაც არ აქვს ინფორმაციის ელექტრონული მატარებელი);
 - ✓ საქართველოს მოქალაქის პასპორტს.
- მარკირების შესამოწმებელი ხელსაწყო (ულტრაიისფერი ფარანი) გამოყენებით შეამოწმეთ ხომ არ აღენიშნება ამომრჩეველს ხელზე მარკირება.



გახსოვდეთ!

ამომრჩეველი, რომელსაც არ აქვს ზედა კიდურები („ფიზიკური მდგომარეობა“), არ გადის მარკირების შემოწმების პროცედურას.

შემოწმების შედეგების გათვალისწინებით:

- ✓ თუ მარკირების შესამოწმებელმა სპეციალურმა ხელსაწყომ გამოავლინა, რომ ამომრჩეველს უკვე აქვს მარკირება, მას ეკრძალება კენჭისყრაში მონაწილეობა. განუმარტეთ ამომრჩეველს კენჭისყრის ოთახში დაშვებაზე უარის თქმის მიზეზი, ხოლო ამომრჩეველის შესახებ ინფორმაცია აცნობეთ კომისიის მდივანს ჩანაწერთა წიგნში შეტანის მიზნით.
- ✓ თუ ამომრჩეველი აკმაყოფილებს კენჭისყრაში მონაწილეობისთვის დადგენილ მოთხოვნებს, ამომრჩეველს მიუთითეთ მივიდეს იმ სარეგისტრაციო მაგიდასთან, რომელსაც მიეკუთვნება ამომრჩეველთა სიაში შეტანილი მისი გვარის პირველი ასო და ამომრჩეველის ნომერი ამომრჩეველთა სიაში. თუ შესაბამის სარეგისტრაციო მაგიდასთან ორი ამომრჩეველი დგას, დროებით შეაყოვნეთ კენჭისყრის შენობაში ამომრჩეველის შესვლა.